



NODIADAU CANLLAW - I YRWYR TRWYDDEDIG NEWYDD

<u>ADRAN</u>	<u>TUDALEN</u>
Cyflwyniad	1
Cyn y prawf	2
Beth i'w ddisgwyl ar y diwrnod	3
Wedi'r prawf	9
Uwchraddio i fod yn Yrrwr Cerbyd Hacni	11
Cwestiynau Cyffredin	12

CYFLWYNIAD

Datblygwyd y canllaw hwn i'ch helpu i basio'r prawf Gwybodaeth, sef y cam cyntaf i ddechrau'r broses o gael y drwydded y bydd arnoch ei hangen. Fe gewch wybodaeth am lle y cynhelir y prawf, beth fydd yn cael ei gynnwys yn y prawf gan gynnwys enghreifftiau o gwestiynau, a syniadau i'ch cynghori.

Bydd y prawf wedi ei seilio ar y wybodaeth yn y canllaw hwn, ac y mae'n bwysig i chi gymryd amser i'w ddarllen er mwyn i chi ddeall popeth sydd ei angen i basio'r prawf yn llwyddiannus. Mae'n bwysig nodi mai chi sy'n gyfrifol am ddysgu hyn.

I fod yn yrrwr Llogi Preifat / Cerbyd Hacni i Gyngor Dinas Casnewydd mae angen i chi adnabod Casnewydd yn well na'r rhan fwyaf o bobl. Rhaid i chi ddeall yr holl amodau trwyddedu a'r ddeddfwriaeth er mwyn gwneud yn siŵr eich bod yn rhoi gwasanaeth o safon uchel a sicrhau eich bod chi a'ch teithwyr yn ddiogel.

GWNEWCH YN SIŴR EICH BOD YN BAROD I GYMRYD Y PRAWF - Bob tro mae ymgeisydd yn cymryd y prawf gwybodaeth, mae'n rhaid iddi/o dalu ffi llawn am y prawf. Gofalwch eich bod yn paratoi'n iawn, a gallwch osgoi gorfod ail-gymryd y prawf a thalu ffioedd eto.

**COFIWCH MAI PASIO'R PRAWF GWYBODAETH YW'R CAM CYNTAF AR Y
FFORDD I DDOD YN YRRWR TRWYDDEDIG PROFFESIYNOL**

CYN Y PRAWF

Hysbysiad


Unwaith i chi wneud cais [ar-lein](#) byddwch yn derbyn hysbysiad e-bost yn rhoi manylion am pryd a lle y bydd eich prawf a pha ddogfennau y bydd angen i chi ddod gyda chi. Dylech dderbyn yr hysbysiad hwn ymhen 3 diwrnod gwaith o gyflwyno eich ffurflen gais. Gan mai trwy ebost yr anfonir yr hysbysiad, mae'n hanfodol bwysig i chi roi cyfeiriad ebost dilys. Os nad ydych wedi derbyn yr ebost, cofiwch fwrw golwg ar eich gosodiad spam/post sbwriel cyn cysylltu â'r Adran Drwyddedu.

Lleoliad

Cynhelir y prawf yn y ganolfan ddinesig. **Os bydd hyn yn newid am unrhyw reswm, cewch wybod trwy ebost.**

Parcio

Mae'r maes parcio cyhoeddus (talu ac arddangos) nesaf at y Ganolfan Ddinesig oddi ar Heol Faulkner. Mae'n brysur iawn trwy'r dydd a dim ond nifer cyfyngedig o lefydd sydd. Mae maes parcio talu ac arddangos mawr hefyd tu ôl i'r orsaf drenau. Os bydd ar ymgeisydd angen lle i barcio, mae'n well cyrraedd yn gynnar, yn enwedig os yw'n gorfod parcio mewn stryd gefn (yn gyfreithlon) neu mewn maes parcio cyhoeddus arall.



Os bydd ymgeisydd yn hwyr am na allodd ddod o hyd i le i barcio, ni fydd hyn yn esgus perthnasol, ac ni chaiff gymryd y prawf.


BETH I'W DDISGWYL AR Y DIWRNOD

Dylid nodi mai ar ddydd Gwener y cynhelir y prawf fel arfer (Gwener olaf y mis fel rheol) ac y dylai'r ymgeisydd wneud y trefniadau priodol i fod yno'n brydlon a pharatoi i gymryd o leiaf **3 awr o'i dd/diwrnod** (nid yw hyn yn cynnwys amser teithio i'r lleoliad).

BYDD TAIR RHAN I'R PRAWF GWYBODAETH

1. CYFLWYNIAD AR DDIOGELU RHAG CAM-FANTEISIO'N RHYWIOL AR BLANT (CRhB) (TUA 60 MUNUD)

Yn yr hysbysiad, bydd pob ymgeisydd wedi derbyn copi o'r daflen isod (yn yr ebost) yn rhoi amlinelliad byr o Ddiogelu a CRhB.



Y rheswm fod gyrrwyr trwyddedig yn cael hyfforddiant am y pwnc hwn yw mai am mai hwy yw llygaid a chlustiau'r Ddinas a'r cyffiniau. All plismona'n unig ddim delio â'r mater difrifol hwn, ac felly, trwy weithio mewn partneriaeth â'r heddlu a chyrrff eraill, fe allwch wneud gwahaniaeth

Rydym yn eich cyngori'n gryf i ddarllen y daflen hon cyn y prawf. Ar y diwrnod, dangosir DVD i chi a bydd y swyddog yn rhoi cyflwyniad manylach am bwysigrwydd diogelu wrth gludo plant, pobl ifanc ac oedolion bregus, a'r ffordd briodol y disgwylir i yrwrwr trwyddedig ymddwyn.

Mae mwy o wybodaeth [yma](#).

2. Y PRAWF GWYBODAETH LLOGI PREIFAT (TUA 90 MUNUD)

Ar ôl y cyflwyniad, bydd y prawf yn cychwyn yn syth wedyn. Mae iddo 7 adran, a rhaid i chi eu pasio i gyd er mwyn bwrw ymlaen â'r broses.

1. Saesneg Sylfaenol (Gwranddo a Deall)

2. Saesneg Sylfaenol (Atebion Gorau)
3. Gwybodaeth am Gasnewydd (Adran Fapiau)
4. CRhB/Diogelu
5. Y Gyfraith ar Drwyddedu Llogi Preifat
6. Rheolau'r Ffordd Fawr
7. Rhifedd

Yma fe welwch y canlynol –

- Disgrifiad o bob adran
- Faint o gwestiynau sy'n rhaid eu hateb yn gywir ym mhob adran
- Enghreifftiau o gwestiynau
- Gwybodaeth mae'n rhaid i chi ddysgu a lle i'w gael

ADRAN 1 – GWRANDO A DEALL (ADRAN SAESNEG SYLFAENOL) (AML-DDEWIS)

Dyma'r cyntaf o'n **hadrannau Saesneg Sylfaenol**. Ar y papur prawf fe welwch bedwar ateb amlddewis posib i bob un o'r **5 cwestiwn** (Y marc pasio am yr adran hon yw 4 allan o 5)

Bydd y swyddog yn darllen allan **BUMP** o frawddegau unigol (fydd ddim ar y papur prawf) a bydd gofyn i chi **gyfatebu'r hyn a glywch** trwy roi **CYLCH** (neu'r hyn sy'n cyfateb) o gwmpas yr hyn dybiwch chi yw'r ateb cywir. **DARLLENIR POB BRAWDDEG ALLAN DDWYWAITH.**

Enghraifft o frawddeg

Bydd y swyddog yn darllen y canlynol yn uchel ddwywaith

**"RWYT TI I FOD I GODI RHYWUN YN 16
CILGANT MEDLOCK"**

Byddwch wedyn yn marcio beth yn eich barn chi yw'r ateb cywir.

- A) 16 Clôs Medlock B) 16 Rhodfa Medlock
- C) 60 Cilgant Medlock **D) 16 CILGANT MEDLOCK**

ADRAN 2 – ATEBION GORAU (ADRAN SAESNEG SYLFAENOL) (AML-DDEWIS)

Dyma'r ail o'n **hadrannau Saesneg Sylfaenol**. Fel gydag adran 1, fe welwch eto 4 ateb amlddewis am bob cwestiwn. Y tro hwn, bydd **10 cwestiwn**. (Y marc pasio am yr adran hon yw 8 allan o 10)

Bydd y swyddog yn darllen **DEG** brawddeg unigol yn uchel (**fydd ddim ar y papur prawf**) a bydd gofyn i chi **ddewis yr ateb gorau i bob brawddeg** trwy roi **CYLCH (neu'r hyn sy'n cyfateb)** o gwmpas yr hyn dybiwch chi yw'r ateb cywir. **DARLLENIR POB BRAWDDEG YN UCHEL DDWYWAITH.**

Enghraifft o frawddeg

Bydd y swyddog yn darllen y canlynol yn uchel ddwywaith


"MAE EICH TEITHIWR YN GOFYN I CHI EI GLUDO I THEATR Y RIVERFRONT, BETH FUASECH CHI'N DDWEUD?"

Byddwch wedyn yn marcio beth yn eich barn chi yw'r ateb cywir.

- A) Fe ddylech chi wybod **B) lawn, fe â'i â chi**
C) Dyw hi ddim yn bell. Fe allwch gerdded D) Dim ots gen i

WEDI ADRAN 2, FYDD DIM MWY O GWESTIYNAU YN CAEL EU DARLLEN ALLAN AC FE GEWCH AMSER I GWBLHAU'R 5 ADRAN SY'N WEDDILL AR Y PAPUR.

**ADRAN 3 – CWESTIYNAU A-Z (GWYBODAETH AM GASNEWYDD)
(CYMYSGEDD O AML-DDEWIS AC YSGRIFENNU'R ATEB)**



SYNIAD DA – DYSGWCH SUT I DDARLLEN MAP A-Z. RYDYM NI'N DEFNYDDIO ATLAS A-Z STRYDOEDD CAERDYDD/CASNEWYDD. FE ALLAI FOD O WERTH I CHI BRYNU UN O SIOP LYFRAU

Nid ydym bellach yn darparu'r mapiau A-Z hyn; fe fydd copiâu o'r mapiau yng nghefn y papur, ond argymhellwch yn gryf eich bod yn prynu'r map eich hun a dod ag ef gyda chi i'r prawf fel y gallwch ei ddefnyddio.

Gan ddefnyddio Map A-Z, bydd gofyn i chi roi'r ateb cywir i bob un o'r **6 chwestiwn** sy'n ymwneud â **mannau o ddiddordeb yn ARDAL CASNEWYDD. (Y marc pasio am yr adran hon yw 5 allan o 6)**

Enghraifft 1 ar bapur y prawf

Enwch yr atyniad i ymwelwyr sydd oddi ar gyffordd 28 yr M4

- a) Castell Casnewydd
- b) Amffitheatr Rufeinig
- c) Tŷ Tredegar
- d) Canolfan Camlas 14 Loc

Awgrym

Mae modd dod o hyd i'r rhan fwyaf o fannau o ddiddordeb ym mynegai'r Map A-Z a gallwch ddod o hyd iddynt naill ai mewn **COCH** neu **LAS**

Byddwch wedyn yn marcio (trwy roi cylch) beth yn eich barn chi yw'r ateb cywir

- a) Castell Casnewydd
- b) Amffitheatr Rufeinig
- c) Tŷ Tredegar**
- d) Canolfan Camlas 14 Loc

Enghraifft 2 ar bapur y prawf

Enwch yr Ysgol sydd i'w gweld ar dudalen 19 y map gyda'r cyfeirnod grid 6H

Ateb _____

Wedyn byddwch yn ysgrifennu i lawr beth yn eich barn chi yw'r ateb cywir.

Ateb _____ **Ysgol Uwchradd Casnewydd** _____

ADRAN 4 – PLANT, POBL IFANC AC OEDOLION BREGUS (AML-DDEWIS)

Yn dilyn ymlaen o'r cyflwyniad er mwyn gwneud yn siŵr eich bod yn deall y pwnc; bydd yr adran hon yn cynnwys 10 o gwestiynau amlddewis. Rhaid i chi ddewis yr ateb(ion) cywir i bob cwestiwn trwy roi cylch o gwmpas yr hyn dybiwch chi yw'r ateb cywir (**Y marc pasio am yr adran hon yw 9 allan o 10**)

SYNIAD DA - ADOLYGWCH Y
DDOGFEN DDIOGELU A'R COD
YMDDYGIAD I YRWYR

Enghraifft ar bapur y prawf

Er mwyn lleihau'r posibilrwydd y bydd plentyn neu berson ifanc mewn perygl, beth na ddylai gyrrwr wneud?

- a) Cofleidio, rhoi cwtsh neu gael unrhyw gyswllt diangen
- b) Gwneud unrhyw sylwadau personol

- c) Defnyddio termau anwyldeb, megis cariad, bach, etc
- d) Defnyddio iaith frwnt neu amhriodol
- e) Y cyfan o'r uchod

ADRAN 5 – Y GYFRAITH AR DRWYDDEDU PREIFAT (AML-DDEWIS)

Bydd ymgeiswyr yn cael eu profi ar eu gwybodaeth a'u dealltwriaeth o'r gyfraith ac amodau a pholisïau'r cyngor. Cynhwysir hefyd faterion am anabledd y gallant ddod ar eu traws (o gofio'r ystyriaethau arbennig y mae'n rhaid eu gwneud wrth ymdrin â theithwyr â galluoedd corfforol gwahanol) **(Y marc pasio am yr adran hon yw 16 allan o 85).**

AWGRYM – ER MWYN PARATOI AM YR ADRAN HON, MAE'N BWYSIG I CHI DDYSGU'R CANLYNOL -

- a) [AMODAU I YRWYR](#) COD YMDDYGIAD I YRWYR
- b) AMODAU I GERBYDAU
- c) [POLISI TRWYDDEDU CYFLAWN CERBYDAU HACNI A LLOGI PREIFAT](#)

Enghraifft 1 ar bapur y prawf

Os bydd Swyddog Trwyddedu yn archwilio eich cerbyd ac yn gweld fod gennych deiar diffygiol, pwy sy'n gyfrifol?

- | | |
|------------------------|----------------------------------|
| A) Chi y gyrrwr | B) Ceidwad cofrestredig y cerbyd |
| C) Perchennog y cerbyd | D) Canolfan MOT |

Byddwch wedyn yn marcio (trwy roi cylch) beth yn eich barn chi yw'r ateb cywir.

- | | |
|------------------------|----------------------------------|
| A) Chi y gyrrwr | B) Ceidwad cofrestredig y cerbyd |
| C) Perchennog y cerbyd | D) Canolfan MOT |

Enghraifft 2 ar bapur y prawf

Cawsoch Drwydded Llogi Cerbyd Preifat - lle mae dangos y plât cefn?

- a) Yn fewnol – yn y ffenest gefn (gyda blue tack)
- b) Yn allanol – nesaf at y bymper cefn ac wedi ei osod yn ddiogel.
- c) Yn allanol - wedi ei wasgu dan y plât rhif cefn
- d) Yn allanol – nesaf at y bymper cefn ac wedi ei lynu gyda Velcro

Byddwch wedyn yn marcio (trwy roi cylch) beth yn eich barn chi yw'r ateb cywir.

ADRAN 6 – RHEOLAU'R Ffordd Fawr (AML-DDEWIS)

Gofynnir i chi ateb nifer o gwestiynau amlddewis am sgiliau gyrru, gwybodaeth am y ffordd a sut i ymddwyn arni, fel sydd wedi'i osod allan yn Rheolau'r Ffordd Fawr (**Y marc pasio yw 10 allan o 12**).

**AWGRYM - ATGOFFWCH
EICH HUN AM REOLAU'R
FFORDD FAWR A
PHRYNWCH FERSIWN
GYFOES**

Enghraifft 1 ar bapur y prawf



- a) Cerddwyr yn Unig
- b) Ras Gyfnewid o'ch Blaen
- c) Ysgol o'ch Blaen
- d) Tacsis yn Unig

Byddwch wedyn yn marcio (trwy roi cylch) beth yn eich barn chi yw'r ateb cywir.

Enghraifft 2 ar bapur y prawf

5. Pryd mae'n cael ei wahardd i ddefnyddio corn cerbyd mewn ardal adeiledig?

- a) O godiad haul hyd y machlud
- b) Rhwng 11:30pm a 7:00am
- c) Bob amser
- d) Rhwng 2am a 5am

Byddwch wedyn yn marcio (trwy roi cylch) beth yn eich barn chi yw'r ateb cywir.

ADRAN 7 - RHIFEDD (SGILIAU RHIFYDDEG) RHAID YSGRIFENNU'R ATEB I

LAWR

Byddwn yn gofyn nifer o gwestiynau rhifyddeg sylfaenol i chi (oherwydd y byddwch yn trin arian yn ddyddiol). Ni chewch ddefnyddio cyfrifiannell. **(Y marc pasio yw 5 allan o 6).**

Enghraifft 1 ar bapur y prawf

Mae cost taith yn £4.50. Mae'r teithiwr yn rhoi papur £10 i chi. Faint o newid fuasech chi'n roi?

Ateb _____ **£5.50** _____

WEDI'R PRAWF

Cewch eich hysbysu'n ysgrifenedig am ganlyniad y prawf ymhen 14 diwrnod gwaith trwy ebost. Dylech gysylltu â'r Adran Drwyddedu ar ôl y cyfnod hwn yn unig, am na fyddwch yn cael ateb cyn hynny.

Bydd dau ganlyniad syml

Os byddwch yn **PASIO** fe fyddwch yn derbyn ebost gyda dolen i wneud cais am drwydded Gyrrwr Llogi Preifat ar-lein. Gweler y **CC** am ddadansoddiad o'r dref.

Os byddwch yn **METHU**, cewch wybod ar ba adran(nau) y gwnaethoch fethu. Ni fydd yr Adran drwyddedu yn trafod pa gwestiynau a atebwyd yn anghywir (neu'n gywir) ac ni chewch weld y papur. **Os ydych yn anghytuno â'r canlyniad, gallwch apelio at y Rheolwr Trwyddedu trwy e-bostio environment.licensing@newport.gov.uk.**

**OS YW'R YMGEISYDD AM BARHAU Â'R BROSES, BYDD GOFYN IDDO/I AIL-
YMGEISIO (GAN GYNNWYS TALU FFÎ'R PRAWF) AC EISTEDD TRWY'R
CYFLWYNIAD A CHYMRYD Y PRAWF UNWAITH ETO**

UWCHRADDIO I FOD YN YRRWR CERBYD HACNI



Os ydych am ddod yn **Yrrwr Cerbyd Hacni**, bydd gofyn i chi yn gyntaf eistedd y **prawf Llogi Preifat**, a'i basio'n llwyddiannus. Bydd gennych gyfle wedyn i wneud cais i uwchraddio i Drwydded Ddeuol (Trwydded gyfun Gyrwr Cerbyd Hacni a Gyrwr Llogi Preifat) unwaith i chi gael y Drwydded Gyrwr Llogi Preifat.

Os gwnewch gais am uwchraddio ymhen 6 mis o gael eich Trwydded Gyrwr Llogi Preifat, fydd dim angen talu ffi ychwanegol.

Os bydd Gyrwr Llogi Preifat wedi dal ei drwydded ers 6 mis neu fwy, ac am uwchraddio, bydd angen talu ffi'r prawf.

Bydd angen i'r ymgeisydd gael gwybodaeth drylwyr o Gasnewydd a'r cyffiniau. Bydd rhan o'r prawf yn golygu eich bod yn rhoi gwybodaeth fanwl am lwybrau yng Nghasnewydd **heb ddefnyddio map**. Bydd gofyn i chi enwi'r ffordd ac i ba gyfeiriad yr ydych yn teithio, a hefyd adnabod unrhyw nodweddion o bwys ar hyd y ffordd (e.e., goleuadau traffig, cylchfannau, llefydd o ddiddordeb).

Dylai'r ymgeisydd hefyd ymgyswddo â'r ddeddfwriaeth a'r amodau perthnasol.

CWESTIYNAU CYFFREDIN (CC)

C – FYDD Y CWESTIYNAU YN CAEL EU HAILADRODD?

A – LLE MAE'R SWYDDOG YN DARLLEN CWESTIWN YN UCHEL, CAIFF EI DDARLLEN DDWYWAITH A DWYWAITH YN UNIG. PEIDIWCH Â GOFYN ETO NEU FE FYDDWCH YN CAEL EI ANGHYMHWYSO. RHAID I CHI WRANDO'N ASTUD

C – ALLA'I OFYN I'R SWYDDOG A ATEBAIS YN GYWIR NEU OFYN IDDO ROI'R ATEB CYWIR I MI?

A – PEIDIWCH Â GOFYN Y CWESTIWN HWN. RYDYCH YN SEFYLL PRAWF DAN AMODAU CAETH. OS GOFYNNWCH Y NAILL GWESTIWN NEU'R LLALL, CEWCH EICH ANGHYMHWYSO.

C – ALLA'I OFYN AM AMSER YCHWANEGOL?

A - NA, OS BYDDWCH YN PARHAU I YSGRIFENNU AR ÔL I'R SWYDDOG DDWEUD FOD Y PRAWF AR BEN, CEWCH EICH ANGHYMHWYSO YN AWTOMATIG.

FODD BYNNAG, PETAECH AM FYND YN ÔL AT UNRHYW ADRAN YN YSTOD YR AMSER SYDD AR GAEL I WIRIO NEU NEWID ATEB, GALLWCH WNEUD HYNNY (ER NA FYDD MODD GWNEUD HYN AM YR ADRANNAU SAESNEG SYLFAENOL)

C - FE FETHAIS. ALLA'I WELD/CAEL FY MHAPUR ATEBION WEDI IDDO GAEL EI FARCIO?

A- NA, DYW HYN DDIM YN BOSIB. OND FE FYDDWN YN RHOI GWYBOD I CHI PA ADRAN(NAU) Y GWNAETHOCH FETHU FEL Y GALLWCH GANOLBWYNTIO AR YR ADRANNAU PENODOL HYNNY.

C – RWY'N DEALL FOD ANGEN PRAWF MEDDYGOL ARNA'I, PRYD GALLA'I GAEL HWN?

A- UNWAITH I CHI GAEL GWYBOD EICH BOD WEDI **PASIO**'R PRAWF, GALLWCH WNEUD CAIS AM BRAWF MEDDYGOL TRWY LAWRLWYTHO'R DDOG FEN O WWW.NEWPORT.GOV.UK/TAXI . RHAID EI LLENWI GAN EICH MEDDYG TEULU CHI NEU FEDDYG SYDD

WEDI GWELD EICH HOLL HANES MEDDYGOL. UNWAITH IDDI GAEL EI LLENWI, RHAID EI DYCHWELYD AT YR ADRAN DRWYDDEDU YMHEN 2 FIS O'I LLENWI.

C – FAINT FYDD Y PRAWF MEDDYGOL YN GOSTIO?

MATER RHYNGOCH CHI A'CH MEDDYG YW COST Y PRAWF MEDDYGOL; NID YW'N CAEL EI OSOD GAN Y CYNGOR. AM RESTR LAWN O FFIOEDD ERAILL, EWCH AT Y WEFAN DRWYDDEDU.

C – MAE GEN I EUOGFARNAU TROSEDDOL/MODURO; ALLA'I DDAL I WNEUD CAIS AM Y PRAWF MEDDYGOL?

OS OES GENNYCH UNRHYW EUOGFARNAU TROSEDDOL NEU FODURO, Y PETH GORAU FYDDAI I CHI AROS AM EICH APWYNTIAD A CHAEL GAIR GYDA'R SWYDDOG. DAN RAI AMGYLCHIADAU, GALL CAIS GAEL EI WRTHOD OS OES GAN YR YMGEISYDD EUOGFARNAU. DYLECH NODI, OS GWNEWCH GAIS AM BRAWF MEDDYGOL A BOD EICH CAIS WEDYN YN CAEL EI WRTHOD, NA FYDD Y CYNGOR YN ADDALU UNRHYW FFÎ FEDDYGOL.

C- BETH SYDD EI ANGEN WRTH GYFLWYNO FY NGHAI?

A- BYDD GOFYN I'R YMGEISYDD DDANGOS Y CANLYNOL –

- CAIS WEDI EI GWBLHAU
- TRWYDDED YRRU GAN Y DVLA YN DANGOS ENW LLAWN A CHYFEIRIAD CYFREDOL.
- PASBORT DILYS CYFREDOL
- COD GWIRIO'R SWYDDFA GARTREF (OS OES ANGEN I GADARNHAU'R HAWL I WEITHIO)
- 1 MATH YCHWANEGOL O'CH ADNABOD A GYMERIR O RESTR Y GWASANAETH DATGELU A GWAHARDD (NEU 2 YCHWANEGOL OS NA ALL YR YMGEISYDD DDARPARU PASBORT DILYS)
- CYFEIRIAD EBOST DILYS (ER MWYN GWNEUD CAIS ARLEIN AM DDATGELIAD TROSEDDOL UWCH)
- COD GAN Y DVLA FEL Y GALL YR YMGEISYDD RANNU EI HANES

GYRRU GYDA'R ADRAN DRWYDDEDU. MAE MODD GWNEUD HYN ARLEIN AR WWW.GOV.UK/VIEW-DRIVING-LICENCE NEU TRWY FFONIO 03000 830013. DYLECH NODI FOD Y COD HWN YN DOD I BEN WEDI 21 DIWRNOD.

- PRAWF MEDDYGOL WEDI'I GWBLHAU (MANYLION UCHOD)
- LLUN DIWEDDAR MAINT PASBORT (MEWN LLIW)
- TYSTYSGRIF O YMDDYGIAD DA (OS NA FU'R YMGEISYDD YN BYW YN Y DU AM O LEIAF 5 MLYNEDD)
- BYDD ANGEN TALU'R FFIOEDD ANGENRHEIDIOL HEFYD (EWCH AT WWW.NEWPORT.GOV.UK/TAXI AM Y FFIOEDD CYFREDOL). BYDD HYN YN CYNNWYS FFÎ'R DRWYDDED A FFÎ DDATGELU'R GDG.

Bydd gofyn i chi hefyd gwblhau datganiad gyrrwr.

C – FUM I DDIM YN BYW YN Y DU AM 5 MLYNEDD YN DDI-DOR, ALLA'I DDAL I WNEUD CAIS AM DRWYDDED?

A- GALLWCH; FODD BYNNAG, BYDD GOFYN I CHI WNEUD CAIS AM **DYSTYSGRIF YMDDYGIAD DA** GYFOES O'R LLYSGENHADAETH NEU'R LLYSGENADAETHAU LLE'R OEDDECH YN BYW AR Y PRYD. MAE HYN YN WIR OS OEDDECH YN BYW YN Y GEE NEU'R TU ALLAN IDDI.

OS, AM UNRHYW RESWM, NA ALLWCH ATEB Y CAIS HWN, NI CHEWCH DRWYDDED HYD NES I CHI ALLU PROFI EICH BOD WEDI BYW YN Y DU AM O LEIAF 5 MLYNEDD YN DDI-DOR.

C- A OES AMSERLEN AR GYFER CWBLHAU FY NGHAI?

A - OES, MAE GENNYCH 6 MIS O DDYDDIAD Y PRAWF GWYBODAETH I DDOD I APWYNTIAD (CAIFF HWN EI ANFON ATOCH WEDI I CHI BASIO) , DARPARU'R DOGFENNAU SYDD EU HANGEN A CHWBLHAU PRAWF MEDDYGOL A GDG. DIM OND DAN AMGYLCHIADAU EITHRIADOL Y CANIATEIR MWY O AMSER.

C – PRYD CAF I FY NHRWYDDED GYRRWR LLOGI PREIFAT?

A- DOES DIM UN ATEB PENODOL I HYN; MAE'R CYFAN YN

DIBYNNU AR YR YMGEISYDD UNIGOL.

MAE'N RHAID I'R ADRAN DRWYDDEDU WNEUD YN SIŴR FOD POB YMGEISYDD YN ADDAS I DDAL Y DRWYDDED ANGENRHEIDIOL A BOD POB GWIRIAD WEDI EI GYNNAL YN FODDHAOL (H.Y., GDG / DVLA / MEDDYGOL). OS NAD OES DIM YNGHYLCH YR YMGEISYDD I ACHOSI PRYDER A BOD YR HOLL DDOGFENNAETH YN DDILYS, GALL TRWYDDED GAEL EI RHOI YMHEN RHWNG 1 A 3 MIS.

EFALLAI Y BYDD GOFYN I RAI YMGEISWYR FYND GERBRON Y PWYLLGOR TRWYDDEDU (E.E., EUOGFARNAU TROSEDDOL/MODURO) ER MWYN I'R PANEL DDOD I BENDERFYNIAD AM Y CAIS. BYDD HYN YN OEDI MWY AR Y CAIS.

UNWAITH IDDI GAEL EI CHYHOEDDI, BYDD Y DRWYDDED YN DDILYS AM 3 BLYNEDD (NEU'R CYFNOD O AMSER Y BYDD GAN YR YMGEISYDD YR HAWL I WEITHIO YN Y DU; MAE HYN YN UNOL Â [DEDDF MEWNFUDO 2016](#))

I ADNEWYDDU'R DRWYDDED, BYDD GOFYN I CHI GYFLWYNO CAIS CYN I'R DRWYDDED DDOD I BEN (BYDD YR HOLL WIRIADAU PERTHNASOL YN CAEL EU CYNNAL UNWAITH ETO)

OS CYFLWYNWCH GAIS WEDI I'R DRWYDDED DDOD I BEN, NI CHAIFF EI HADNEWYDDU NES I'R HOLL WIRIADAU ANGENRHEIDIOL GAEL EU CYNNAL. NI FYDD GENNYCH HAWL I YRRU CERBYD TRWYDDEDIG YN Y CYFNOD HWN.

OS NA FYDDWCH WEDI CYFLWYNO CAIS YMHEN 2 FIS I'R AMSER Y DAETH Y DRWYDDED I BEN, CEWCH EICH TRIN FEL YMGEISYDD NEWYDD A BYDD ANGEN I CHI AIL-EISTEDD Y PRAWF I GYCHWYN AR Y BROSES.